



列傳四十七

北史五十九

寇洛

王易

趙貴

從祖兄善

李賢

子詢崇孫敏弟遠穆穆子澤

梁禦

子睿

寇洛上谷昌平人也累世為將吏父延壽魏和平中以良家子鎮武川因家焉洛性明辯不拘小節賀拔岳西征洛與岳鄉里乃募從入關以功封安鄉縣子及岳為大行臺以洛為右都督侯莫陳悅既害岳欲并其眾時初喪元帥洛於諸將中最高舊齒素為眾信乃收集將士志在復讎

既至原州衆推洛爲盟主統岳之衆至平涼周文帝至以
洛爲右都督從討侯莫陳悅平之拜涇州刺史大統初詔
加開府進爵京兆郡公封洛母宋爲襄城郡君四年鎮東
雍州五年卒於鎮贈太尉尚書令謚曰武子和嗣明帝二
年錄舊勳以洛配享文帝廟庭賜和姓若引氏改封松陽
郡公

趙貴字元寶天水南安人也祖仁以良家子鎮武川因家
焉貴少有節槩介朱榮以爲別將從討元顥有功賜爵燕
樂縣子從賀拔岳平關中累遷大都督岳爲侯莫陳悅所
害將吏奔敗莫有守者貴謂其黨曰吾聞仁義豈有常哉

行之則爲君子違之則爲小人朱伯厚王脩感意氣微恩
尚能蹈履名節况吾等荷賀拔公國士之遇寧可自同衆
人乎因涕泣歛歛從之者五十人乃詣悅詐降悅信之因
請收葬岳言辭慷慨悅壯而許之貴乃收岳屍還營與寇
洛等奔平涼共圖拒悅貴乃首議迎周文帝周文至以貴
爲大都督領府司馬悅平行秦州事後以預立魏文帝勳
進爵爲公梁彥定稱亂河右以貴爲隴西行臺討破之從
復弘農沙苑進爵中山郡公河橋之戰貴與怡峯爲左軍
戰不利先還及高仲密以比豫州降周文迎之與東魏人
戰於芒山貴爲左軍失律坐免官尋復官爵後拜柱國大

將軍賜姓乙弗氏六官建為太保太宗伯改封南陽郡公
周孝閔帝踐阼遷大冢宰進封楚國公邑萬戶初貴與獨
孤信等皆與文帝等夷及晉公護攝政貴自以元勳每懷
怏怏與信謀殺護為開府宇文成書告被誅

善字僧慶貴之從祖兄也少好學美容儀沉毅有遠量亦
朱天光討邢果乃侯醜奴以為長史普泰初為大行臺尚
書封山北縣伯天光拒齊神武於韓陵敗見殺善請收葬
其屍齊神武義而許之賀拔岳初關中迎善復以為長史
岳為侯莫陳悅所殺善共諸將翊戴周文帝魏孝武西遷
改封襄城縣伯歷位尚書左右僕射進爵為公善性溫恭

有器局雖位居端右而愈自謙退其職務克舉則曰某官
之力有罪責則曰善之咎也時人稱其有公輔量天統九
年從戰芒山屬大軍不利善為敵所獲卒於東魏建德初
周齊通好齊人乃歸其柩其子詢表請贈謚詔贈大將軍
大都督四州諸軍事岐州刺史謚曰敬

李賢字賢和自云隴西成紀人漢騎都尉陵之後也陵沒
匈奴子孫因居北狄後隨魏南遷復歸汧隴曾祖富魏公
武時以子都督討兩山屠各歿於陣贈寧西將軍隴西郡
守大統末以賢兄弟著勲追贈司空公賢幼有志節不妄
舉動嘗出遊逢一老人鬢眉皓白謂曰我年八十觀士多

矣未有如卿卿必為台牧努力勉之九歲從師受業略觀
大指而已或譏其不精荅曰賢豈能領徒授業至如忠孝
之道實銘於心問者慙服十四遭父憂撫訓諸弟友愛其
篤魏永安中乃俟醜奴據岐涇等州反孝莊遣朱光擊
破之光令都督長孫邪利行原州事以賢為主簿累遷高
平令賀拔岳為侯莫陳悅所害周文帝西征賢與其弟遠
穆等密應侯莫陳崇以功授都督仍守原州及大軍至秦
州悅棄城走周文命兄子道遠之以賢為先鋒至率屯山
及之以功授假節撫軍將軍大都督魏孝武西遷周文令
賢率騎迎衛封上邽縣公俄授左大都督還鎮原州大統

二年州人豆盧狼害都督大野樹兒等據州城反賢率敢
死士一戰敗之狼斬關道走賢追斬之八年授原州刺史
周文之奉魏太子西巡至原州遂幸賢第讓齒而坐行鄉
飲酒禮後帝復至原州令賢乘路車備儀服以諸侯會遇
禮相見然後幸賢第歡宴終日凡是親族頒賜有差恭帝
元年進爵西河郡公後以弟子植被誅賢坐除名保定二
年詔復賢官爵仍授瓜州刺史武帝及齊王憲之在襁褓
不利居宮中周文令於賢家處之六載乃還宮因賜賢妻
具姓宇文氏養為姓女賜與甚厚及武帝西巡原州幸賢
第詔曰朕昔冲幼爰寓此州使持節驃騎大將軍開府儀

同二司大都督瓜州諸軍事瓜州刺史賢斯士良家熱德
兼著受委君朕輔導積年念其規弼功勞其茂今巡撫屬
此不殊代邑舉自依然益增舊想賢雖無屬籍朕愛之若
至親凡歿昆季乃至子姪等可竝預宴賜於是令中侍上
士尉逢愷往瓜州降舊書勞賢賜衣一襲及被褥并御所
服十三環金帶一要中厩馬一疋金裝鞞勒雜綵五百段
銀錢一萬賜賢弟申國公穆亦如之子姪男女中外諸孫
三千四人各賜衣一襲拜賢甥庫狄樂為儀同賢門生昔
經侍奉者二人授大都督四人授帥都督六人別將奴已
免賤者五人授軍主未免賤者十三人酬舊放之四年于

師東討西道空虛虜是渾侵擾乃授賢河州總管河州舊
非總管至是創置賢乃大營屯田以省運漕多設斥候以
備寇戎於是是渾渾欽迹五年宕昌寇邊乃於洮州置總管
府以鎮遏之遂廢河州總管改授賢洮州總管屬是寇信
擾賢頗破之虜多震懼不敢犯塞咸廢洮州總管還於河
州置總管府復以賢為之武帝思賢舊恩徵拜大將軍於
京師薨帝親臨哀動左右贈使持節柱國大將軍大都督
十州諸軍事原州刺史謚曰桓子端嗣端位開府儀同三
司從平齊戰沒贈上大將軍追封襄陽公謚曰果端弟吉
儀同三司吉弟孝軌開府儀同大將軍升遷縣伯後封奇

公孝軌第詢

詢字孝詢深沉有大略頗涉書記仕周累遷司衛上士武帝幸雲陽宮委以留府事衛王直作亂焚蕭章門詢於內益火故賊不得入武帝善之累遷英果中大夫妻以軍功加位大將軍賜爵平高郡公隋文帝為丞相尉遲迥作亂遣韋孝寬擊之以詢為元帥長史委以心膂軍至永橋諸將不一詢密啓請重臣監護文帝令高穎監軍與頰同心唯詢而已及迥平進位上柱國改封隴西郡公開皇初歷位隰州總管以疾徵還京師卒帝悼惜者久之謚曰襄子元方嗣

詢弟崇字永隆英果有筆弄膽力過人周元年以父賢勲封迴樂縣侯時年尚小拜爵日親族相賀崇獨泣下賢問之對曰無勲於國幼少封侯當報主恩不得終於孝養是以悲耳賢由此大奇之起家州主簿非其好也辭不就職來為將兵都督隨宇文護伐齊以功最授儀同三司歷位少侍伯大夫少承御大夫攝太子宮正周武平齊引參謀議以勲加授開府封襄陽縣公尋改封廣宗縣公隋文帝為丞相加授上開府儀同大將軍懷州刺史進爵郡公尉遲迥反遣使招之崇初欲相應後知叔父擢以并州附文帝慨然太息曰合家富貴數十人遇國有難竟不能扶傾

繼絕何面目覩天地間乎韋孝寬亦疑之與俱卧起其兄
詢時爲元帥長史每諷諭之崇由是亦歸心焉及迴平授
徐州摠管進位上柱國開皇二年除幽州摠管突厥犯塞
崇輒破之奚霫契丹等讐其威略率來內附後突厥人爲
侵掠崇率步騎三千拒之轉戰十餘日師人多死遂保于
沙城突厥圍之死亡略盡突厥降之謂曰降者封爲特勤
崇知不免之其士卒曰吾喪師徒罪當萬死今効命以謝
國家看吾死且可降賊方便散走還見至尊道此意也乃
去乃突賊復殺二人沒於陣噶六州諸軍事豫州刺史謚
曰壯子敏噶

敏字樹生文帝以其父死王事養於宮中及長襲爵黃宗
公起家左千牛美姿容善騎射工歌儻弦管開皇初周宣
帝后樂平公主有女娥英妙擇婚對敕貴公子弟集弘聖
宮者日以百數公主選取敏禮儀如尚帝女後將侍宴公
主謂敏曰我以天下與至尊唯一女夫當爲汝求柱國若
授餘官慎無謝及進見上上親御琵琶遣敏歌舞大悅謂
公主曰敏何官對曰一白丁耳謂敏曰今授儀同敏不答
上曰不滿爾意耶今授開府又不謝上曰公主有大功於
我我何得向其女婿惜官今授鄉柱國敏廼拜而蹈舞遂
於坐發詔授柱國以本官宿衛後避煬帝諱改封經城縣

公歷幽金華歧數州刺史多不莅職常留京師往來宮內侍從遊宴賞賜超於功臣大業初轉衛尉卿樂平公主將薨遺言於煬帝曰妾唯一女不自憂死深憐之湯沐乞迴與敏帝從之竟食五千戶攝屯衛將軍楊玄感反後城闕大興敏之策也轉將作監從征高麗領新城道軍加光祿大夫十年帝復征遼東遣敏黎陽督運時或言敏一名洪兒帝疑洪字當識嘗面告之莫其引決敏由是大懼數與金才善衡等弄人私語宇文述知而奏之竟與渾同誅其妻宇文氏尋亦賜鴆而終賢弟遠

遠字萬歲幼有器局嘗與群兒爲戰鬪戲指麾便有軍陣

之法郡守見而異之召使更戲群兒散走遠持杖叱之復爲向陣意氣雄壯殆甚於前郡守曰此小兒必爲將帥非常人也及長涉獵書傳魏正光末天下鼎沸救勒賊胡琮侵逼原州遠昆季率勵鄉人欲圖拒守而衆情頗有異同遠乃按劍喻以節義因曰有異同遠議者請斬之衆懼乃聽命相與盟歃深壁自守無援城陷其徒多被害唯遠兄弟並爲人所匿得免遠乃使賢晦迹和光潛身間行入朝求授魏朝嘉之授武騎常侍俄轉別將及尒朱天光西伐配遠精兵爲鄉導天光欽遠才望除爲長城郡守後以應侯莫陳崇功遷高平郡守周文見而悅之令居麾下及魏

孝武西遷封安定縣伯魏文帝嗣位之始思享遐年以遠
字可嘉令扶帝升殿進爵為公仍領左右從征竇泰復弘
農並有殊勳授都督原州刺史周文謂遠曰孤有卿若身
之有臂本州之榮乃私事尔遂令遠兄賢代行州事沙苑
之役遠功居最進爵陽平郡公尋除大丞相府司馬參軍
國機務時河東初復人情未安周文以河東為國之要乃
領授河東郡守遠敦獎風俗勸課農桑肅遏姦非兼脩守
禦之備曾未朞月百姓懷之周文降書勞問徵為侍中遷
太子少師東魏北豫州刺史高仲密請舉州來附周文以
仲密所據遼遠難為應接諸將皆憚此行遠曰北豫遠在

賊境高歡又屯兵河陽常理而論寔難救援但不入獸元
不得獸子若以奇兵出其不意事或可濟脫有利鈍故是
兵家之常如其顧望不行便無克定之日周文喜曰李萬
歲所言差強人意乃授行臺尚書前驅東出周文率大軍
繼進遠乃潛師而往拔仲密以歸仍從周文戰於芒山時
大軍不利遠獨整所部為殿尋授都督義州弘農等二十
一郡諸軍事遠善撫馭有幹略戰守之備無不精銳每厚
撫境外之人使為間諜敵中動靜必先知之至有事出被
誅亦不以為悔嘗獵於莎柵見石於叢薄中以為伏兔射
之鏃入寸餘視之乃石周文聞而異之賜書曰昔李將軍

親有此事公今復爾可謂世載其德矣東魏將段孝先趣
宣陽以送糧為名實有窺窬之意遠密知其計遣兵襲破
之孝先遁走周文賜所乘馬及金帶牀帳衣被等并綵二
千匹拜大將軍頃之除尚書左僕射固辭周文不許遠不
得已方拜職周文又以第十一子代王達令遠子之其見
親待如此時周文嫡嗣未建明帝居長已有成德孝閔處
嫡年尚幼冲乃謂群公曰孤欲立子以嫡恐大司馬有疑
大司馬即獨孤信明帝敬后父也眾未有答遠曰立子以
嫡不以長那陽公為嗣公何疑焉若以信為嫌請即斬信
便起拔劍周文亦起曰何事至此信又自陳說遠乃止於

是群公竝從遠議遠出外拜謝信曰臨大事不得不爾信
亦謝遠曰今日賴公決此大議六官建授小司寇周孝閔
帝踐祚進位柱國大將軍復鎮弘農遠子植文帝時已為
相府司錄參掌朝政及晉公護執權密欲誅護頗泄護乃
出植為梁州刺史尋而廢帝召遠及植還朝遠恐有變沉
吟良久乃曰大丈夫寧為忠鬼安能作叛臣乎遂就徵至
京師護以遠功名素重猶欲全宥之謂曰公兒遂有異謀
可早為之所乃以直付遠遠素愛植植又有口辯云初無
此謀遠信之詰朝將植詣護護謂植已死乃曰陽平公何
意自來左右云植亦在門外護大怒曰陽平公不信我矣

召入命遠同坐令帝與植相質於遠前植辭窮謂帝曰本
爲此謀欲安社稷利至尊耳今日至此何事云云遠聞之
自投於牀曰若爾誠合萬死於是護乃害植并逼遠自殺
建德元年晉公護誅贈本官加大保謚曰忠隋開皇初追
贈上柱國改謚曰懷植及諸弟竝加贈謚植弟基字仲和
幼有聲譽美姿儀善談論涉獵群書尤工騎射周文令尚
義歸公主以父勳封建安縣公累遷大都督進爵清河郡
公及魏廢帝即位之後猜隙彌深時周文諸子年皆幼冲
章武公道中山公護復東西作鎮唯託意諸壻以爲心膂
基與義城公李暉常山公千翼等俱爲武衛將軍分掌禁

旅魏帝深憚之故密謀逐冲魏恭帝即位進爵敦煌郡公
尋進位驃騎大將軍開府儀同三司拜陽平國世子六官
建授御正中大夫周孝閔帝踐阼出爲湖州刺史尋爲兄
植合坐死以王壻又爲季父穆所請得免武成二年除江
州刺史旣被譴謫常憂憤不得志保定元年卒於位穆尤
所鍾愛每哭輒悲慟謂所親曰好兒捨我去門力豈是欲
興宣政元年追贈使持節上開府儀同大將軍曹徐譙三
州刺史敦煌郡公謚曰孝子威嗣威字安人又改襲遠爵
陽平郡公加上開府大象末進至柱國封公賢弟穆
穆字顯慶少明敏有度量文帝入闕便給事左右深被親

遇穆亦小心謹肅未嘗懈怠及侯莫陳悅害賀拔岳周文
自夏州赴難而悅黨更歸據原州猶為悅守周又令侯莫
陳崇襲之穆時先在城中與兄賢遠應崇遂禽歸以功授
都督從迎魏孝武封永平縣子又領鄉兵禽竇泰復弘農
並有戰功沙苑之捷穆言歡今日已喪膽矣請速逐之則
歡可禽也周文不聽論前後功進爵為公芒山之戰周文
馬中流矢驚逸墜地敵人追及左右皆散穆下馬以策擊
周文背因大罵曰籠東軍士爾曹主何在爾獨住此敵人
見其輕侮不疑是貴人遂捨而過穆以馬授周文遂俱逸
是日微穆周文已不濟矣既而與穆相對而泣自是恩賜

更隆顧左右曰成我事者其此人乎擢授武衛將軍儀同
三司進封安武郡公前後賞賜不可勝計周文歎其忠節
曰人所貴唯命穆遂輕命濟孤爵位玉帛未足為報乃特
賜鐵券恕以十死進驃騎大將軍開府儀同三司侍中初
芒山之敗穆授周文駿馬後中既有此色者悉以賜之又
賜穆嗣子博安樂郡公姊一人為郡君自餘姊妹並為縣
君兄弟子姪及總麻已上親并舅氏皆霑厚賜其褒崇如
此從解玉壁圍拜安定國中尉歷同州刺史太僕卿從子
謹平江陵以功別封一子長城縣侯尋進位大將軍賜姓
拓拔氏又擊曲沔蠻破之俄除原州刺史拜世子博為儀

同三司以賢子爲平高郡守遠子爲平高縣令竝加鼓吹
穆自以叔姪一家三人皆牧宰鄉里恩遇過隆固辭不拜
周文不許後入爲雍州刺史兼小冢宰周孝閔帝踐祚又
封一子爲并遷縣伯穆請迴授賢子孝軌許之及兄子植
謀害宇文護被誅穆亦坐除名先是穆知植非保家主每
勸遠除之遠不能用及遠臨刑泣謂穆曰顯慶吾不用汝
言以至此將奈何穆以此獲免及其子弟亦免官時植弟
基嘗從坐戮穆求以子惇怡等代死辭理酸切聞者莫不
動矣護矜之遂特免基死明帝即位拜驃騎大將軍開府
儀同三司大都督復爵安武郡公拜直州刺史武成中子

第免官爵者悉復之累遷大司空天和二年進封申國公
舊爵迴授一子建德元年遷太保尋出爲原州總管四年
武帝東征令穆別攻軹關及河北諸縣竝破之後以帝疾
班師棄而不守六年進位上柱國除并州總管時東夏初
平人情尚擾穆靖以鎮守百姓懷之太象元年加邑至九
千九遷大左輔總管如舊二年詔加大傅仍總管及隋文
作相尉遲迥舉兵遣使招穆穆鎖其使上其書穆子士榮
以穆所居天下精兵處陰勸穆應之穆弗聽曰周德旣衰
愚智共悉天時若此豈能違夫乃遣使謁隋文帝并上十
三環金帶蓋天子服也以微申其意時迥子誼爲朔州刺

詔

史亦執送京師。廼令其署行臺韓長業攻陷潞州，執刺史趙威，署城人郭子勝爲刺史。穆遣兵討獲子勝，文帝嘉之。以穆勞同破鄴城第一勲，加三轉，聽分授其二子榮、才。又賢子孝軌、榮及才，竝儀同大將軍。孝軌進開府儀同大將軍，又別封子雄爲容國公。穆又密表勸進，文帝旣受禪，詔曰：「公旣獲德，且又父黨敬惠來旨，便以今日十三日，焚膺天命，俄而穆來朝，文帝降座禮之，拜太師，贊拜不名，食成安縣三千戶。穆子孫雖在襁褓，悉拜儀同。其一門執象笏者百餘人，貴盛當時無比。穆上表乞骸骨，詔曰：「公年旣耆舊，勦力難煩。今勅所司敬蠲朝集，如有大事，須共謀。」

別遣侍臣就第詢訪。時太史奏：「當有移都事。」帝以初受命，其難之，穆乃上表極言宜移都之便。帝素嫌臺城制度，近小，又宮內多鬼，祇蘇威嘗勸遷，上不納。遇太史奏狀，意乃感之。至是省穆表，帝曰：「天道聰明，已有徵應。」太師人望復抗此請，則可矣。遂從之。歲餘，下詔穆自今已後，雖有愆罪，但非謀逆，縱有百死，終不推問。開皇六年薨，時年七十七。遺令以不得陪駕，故宗爲恨。詔遣黃門侍郎監護喪事，贈十州諸軍事，冀州刺史，謚曰明。賜以石椁，前後部羽葆鼓吹，輜輳車百寮送之。郭外詔太常卿牛弘齎哀冊，文祭以太牢。長子惇，字士獻。周文帝令功臣長子竝與略陽遊，數

博於軍流中特被引接每有遐方服翫珍竒無不班賜封
安樂郡公位驃騎大將軍開府儀同三司鳳州刺史先穆
卒子筠襲祖爵博弟怡位儀同三司贈渭州刺史怡弟雅
少有識量在周以軍功封西安縣男位荊州總管開皇初
進爵爲公雅弟恒位鹽州刺史封曲陽侯恒弟榮位合州
刺史長城縣公榮弟百位車騎將軍歸政縣侯直弟雄位
柱國驃騎將軍密國公雄弟渾仁壽初筠忽懷齋遣兄子
善衡賊之求盜不得文帝大怒盡追其親族初筠與從父
弟瞿嘗有隙渾遂證瞿虜殺之而善衡獲免筠死帝議立
嗣邛公蘇威奏筠不軌請絕其封帝不許乃以渾嗣

渾字金才姿貌瓌偉美鬚髮起家爲侍上士尉遲迥反於
鄴時穆在并州隋文帝甚慮迥遣渾乘驛詣穆穆遽令渾
入京奉慰斗曰願執柄以慰天下也文帝大悅又遣渾詣
韋孝寬所而述穆意會鄴平以功授上儀同三司封武安
郡公開皇中晉王廣出蕃渾以驃騎將軍領親信從往楊
州及筠死渾規欲紹之謂妻兄太子左衛率宇文述曰若
得襲封當以國賦之半每歲相奉述因入白皇太子奏文
帝竟詔渾襲申公以奉穆嗣大業六年追改穆封爲郿公
渾仍襲焉累加光祿大夫遷右驍騎衛大將軍渾旣紹父
業日增豪侈二歲後不以奉物分述述大恚因醉謂其友

人于家賢曰我竟爲金才所賣死且不忘渾聞之由是結
隙及帝討遼東有方士安伽陀謂帝曰李氏應爲天子宜
盡誅天下李姓述知之因構渾於帝曰臣與金才夙親聞
其數與李敏善衡等日夜屏語或終夕不寢渾大臣也家
世隆盛身提禁兵不宜然帝曰卿可覓其事述乃遣武賁
郎將裴一基表告渾反即日遣述播其家遣左丞元文都
御史大夫裴蘊雜推之數日不得反狀帝更遣述推述入
獄中召出敏妻宇文氏謂曰夫人帝甥也何患無賢夫李
敏金才名當祿議夫人當自求全因教言金才嘗告敏云
汝應圖錄當爲天子今主上好兵勞擾百姓此亦天亡隋
時也若復度遼吾與汝必爲大將軍每軍二萬餘兵固以
五萬人矣又發諸房子姪內外親姪並募從征吾家子弟
決爲主帥分領兵馬散在諸軍吾與汝前發襲取御營子
弟響是日之間天下定矣述口自傳授令敏妻寫表封
云上密述持入奏云已得金才反狀并有敏妻密表帝覽
之泣曰吾宗社幾傾賴親家公口裏一耳於是誅渾敏等
自餘無少長皆徙嶺表

梁禦字善通其先安定人也後因官北邊遂家於武川改
姓紇豆陵氏高祖俟力提從魏太武征討位揚武將軍定
陽侯禦少好學造越詳雅及長更好弓馬介朱天光西討

知禦有志略引為左右共平關隴除番州刺史第一領人
西長封白水縣侯從賀拔岳長安及岳被害御與諸將
同謀翊戴周文帝周文既平秦隴欲引兵東下雍州刺史
賈顯持兩端通使於齊神武周文知其意以禦為大都督
雍州刺史領前軍先行及與顯相見因說顯顯即出迎周
文禦遂入鎮雍州大統元年進爵信都縣公授尚書右僕
射從周文復弘農破沙苑加侍中開府儀同三司進爵廣
平郡公出為東雍州刺史為政舉大綱而已人喪稱之薨
於州臨終唯以國步未康為恨言不及家贈大尉尚書令
雍州刺史謚曰武昭子睿

睿字侍德少沉敏有行檢周文帝時以功臣子養宮中復
命與諸子游處七歲襲爵廣平郡公累加儀同三司本州
大中正開府改封五龍郡公渭州刺史周閔帝受禪徵為
御伯出為中州刺史鎮新安以備齊人來寇睿輒挫之
帝甚嘉歎拜大將軍以禦佐命功進爵蔣國公入為司會
後從齊王憲拒齊將斛律明月於洛陽每戰有功遷小冢
宰歷敷州刺史涼安二州摠管俱有惠政進位柱國隋文
帝怒百揆代王謙為益州摠管行至漢川西謙反攻始州
睿不得進文帝命睿為行軍元帥率軍摠管子義張威達
長儒梁昇石孝義步騎二十萬討之謙遣開府李三王

守通谷使張威擊破之進至龍門謙將趙儼秦會擁眾
十萬據峻爲營周亘三十里廉令將士銜枚出自間道四
面奮擊力戰破之遂鼓行而進謙將敬豪守劔閣以巖拒
平林壯懼而來降謙文命高阿那瓌達奚甚等以盛兵攻
利州聞睿將至甚分兵據開遠廉遣上開府託拔宗趣劔
閣大將軍宇文肅指巴西大將軍趙逵水軍入嘉陵遣張
威王倫賀若震于義韓相貴阿那惠等分道攻甚自午及
申破之甚奔歸于謙廉逼成都謙令達奚甚乙弗虔守城
親帥精兵五万背城結陳廉擊敗之謙將入城甚爰以城
降謙將麾下三十騎遁走新都令王寶執之睿斬謙于市

上疏

劔南悉平進位上柱國總管如故賜物五千段奴婢一千
口金二千兩銀三千兩邑千戶睿時威振西州夷獫狁附
唯南寧首帥爨震恃遠不賓睿上疏曰南寧州漢牂牁之
地近代已來分置與古雲南建寧朱提四郡方口殷衆金
寶富饒二河有駮馬明珠益寧出鹽并犀角晉太始七年
以益州曠遠分置寧州至僞梁南寧州刺史徐文盛被湘
東徵赴荊州屬冀復尚阻未遑遠略土人爨瓚遂竊據一
方國家遣授刺史其子震相承至今而震臣禮多虧貢賦
不入如聞彼人苦其苛政思被皇風幸因平蜀士衆不煩
重興師狎獠旣訖即請略定南寧文帝深納之然以天下

詔

初定恐人心不安故未之許後竟遣使萬歲討平之並因
睿之策也睿威惠兼著人夷悅服聲望逾重文帝陰憚之
薛道衡從軍在蜀說睿勸進文帝大悅及受禪顧待彌隆
睿復上平陳策帝善之下詔曰昔公孫隗誦漢之賊也光
武與其通和稱為皇帝尉他之於高祖初猶不臣孫皓之
答晉文書尚云白或尋款服或即滅亡王者體大義存導
養雖陳國來朝未盡蕃節如公大略誠須責罪尚欲且緩
其誅宜如此意淮海未滅必興師旅若命水虜終當相屈
以身許國無足致辭也睿乃止睿時見突厥方強恐為邊
患復陳鎮守之策十餘事帝嘉歎久之答以厚意睿時自

以周代舊臣久居重鎮內不自安屢請入朝於是徵還京
師及引見上為之興命拜殿握手極歡睿退謂所親曰
功遂身退今上其時也遂謝病闔門自守不交當時帝賜以

板

每有朝覲必令三衛輿上殿睿初平王謙之始自以

處名大盛恐為時所忌遂大受金賄以自穢由是勳簿多
不以實詣朝堂稱孤者前後百數人上令有司案驗其事
主者多獲罪睿懼表陳謝請歸大理上慰喻遣之十五
年從至洛陽而卒謚曰襄子洋嗣歷位嵩徐二州刺史武
貴即將大業六年詔追改睿封為戴公命以洋襲焉
論曰賀拔岳變起倉卒侯莫陳悅意在兼并于時人有離

心士無固志冠洛撫術散亂抗禦仇讎全師而還敵人絕
覬覦之望度德而處霸王建匡合之謀趙貴居二闕之險
周室定二分之功彼此一時其功固不細也李賢和兄弟
鬪國難之際君戎馬之間志略從橫忠勇奮發頻摧勍敵
屢涉艱危及逢時遇主策名委質荷生成之恩蒙國士之
遇俱廢好爵各著勲庸遂得任兼文武聲彰出內位高望
重光國奈家附葉連暉聊椒敬銜冠冕之盛當時豈與比
焉自周之隋鬱為西京盛族雖金張在漢不之尚也然而
周文始崩嗣君冲幼內則功臣放命外則強寇臨邊晉公
以猶子之親膺負圖之託遂能撫寧家國開剪異端華魏

興周遠安邇悅功勤已著過惡未彰李植受遇先朝宿參
機務慮威權之去已懼將來之不容生此厲階成茲具錦
乃以小謀大由踈間親主無昭帝之明臣有上官之詐嫌
際旣兆釁故因之啓冢宰無君之心成閔帝廢弒之禍植
之由也李遠關義方之訓又無先見之明以至誅夷非為
不幸梁禦祿奉興王參謀締構驅馳畢力夷險備嘗雖遠
志未申亦云遇其時矣穆及梁睿皆周室功臣隋文王業
初基俱受腹心之寄故穆首登師傅睿終膺殊寵觀其見
機而動抑亦人之先覺然方魏朝之貞烈有愧王凌比晉
室之忠臣終慙徐廣穆之子孫特為隆盛朱輪華轂凡數

十人見忌當時禍難避及得之非道可不戒歟

列傳第 四十七

北史五十九



列傳四十八

北史六十

李弼

曾孫密



宇文貴

子忻

侯莫陳崇

子穎 崇兄順

王雄

子謙

李弼字景和隴西城紀人六世祖振慕容垂黃門郎父永
魏太中大夫贈涼州刺史弼少有大志膂力過人屬魏亂
謂所親曰大丈夫生世會須履鋒刃平寇難以取功各安
能碌碌依階以求仕初為別將從余朱天光西討破赤水
蜀以功封石門縣伯又與賀拔岳討万俟醜奴万俟道洛

王慶雲晉破之賊咸畏之曰莫當李將軍前也及天光赴洛弼隸侯莫陳悅征討屢有尅捷及悅害賀拔岳周文帝進軍以討悅弼陳悅令解兵謝之悅惶惑計無所出弼知悅必敗周文帝至悅乃棄秦州南出據險以自固是日弼密通於周文許背悅至夜弼乃勒所部云悅欲向秦州命皆裝東弼妻悅之姨也時為悅所親委衆咸信之人皆散走弼慰輯之遂擁以歸周文悅由此敗周文謂曰公與吾同心天下不足平也大統初進位驃騎大將軍開府儀同三司從平竇泰斬獲居多周文以所乘驢馬及泰所著屨甲賜弼又從平弘農與齊神武戰於沙苑弼軍為敵所乘


弼將其麾下九十騎橫截之賊分為二因大破之以功進爵趙郡公四年從周文東討洛陽弼為前驅東魏將莫多婁莫文率衆至穀城弼倍道而前進軍士鼓譟曳柴揚塵莫文以為大軍至遂走弼追斬莫文傳首大軍翌日又從周文與齊神武戰河橋身被七創遂為所獲陽隕絕於地睨其傍有馬因躍上得免歷位司空太保柱國大將軍廢帝元年賜姓徒何比六官建拜太傅大司徒及晉公護執政朝之大事皆與于謹及弼等參議周孝閔帝踐阼除太師進封趙國公邑萬戶前後賞賜鉅萬弼每征討朝受命夕便引路略不問私事亦未嘗宿於家兼性沈雅有深識

故能以功名終薨於位明帝即舉哀比葬三臨其喪發卒
穿冢給大輅龍旂陳軍至墓謚曰武尋追封魏國公配食
文帝廟庭子曜居長以次子暉尚文帝女義安長公主故
遂以為嗣暉初賜爵義城郡公嘗卧疾暮年文帝憂之賜
錢一千萬供其藥石之費魏恭帝二年加驃騎大將軍開
府儀同三司出為岐州刺史從文帝西巡率公卿子弟別
為一軍後襲趙國公改襲魏國公天和六年進位柱國建
德元年出為梁州總管時缺蓬二州生獠積年侵暴至州
綏撫竝來歸附重書勞之暉弟衍字授豆少專武藝慷慨
有志略仕周為義州刺史封真鄉公王謙作亂以行軍總

管從梁巖擊平之進上大將軍隋開皇元年以行軍總管
討平版蠻進位柱國後拜安州總管以疾還京卒子仲威
嗣衍弟綸最知名有文武才用以功臣子少居顯職位至
司會中大夫開府儀同三司封河陽郡公為聘齊使主卒
子長雅嗣尚隋文帝女襄國公主位內史侍郎河州刺史
檢校秦州總管綸弟曼開府儀同三司趙郡公從平齊歿
并州子憬以曼死王事即襲其官爵贈既不得嗣朝廷以
弼功重封曜邢國公位開府子寬幹略過人自周及隋數
經將領位柱國蒲山郡公號為多將弼弟擢字雲傑長不
盈五尺性果決有膽氣魏永安元年以兼別將從介朱榮

破元顥餘誅隨亦朱兆入洛及魏孝武西遷搆從都督元
斌之與齊神武戰敗遂與斌之奔梁後得逃歸進封晉陽
縣子尋為周文帝帳內都督從後弘農破沙苑搆時跨馬
運矛衝堅陷陣隱身囊甲之中敵人見之皆避此小兒不
知搆之形貌正自如此周文初亦聞搆驍悍未見其能至
是方嗟歎之謂曰但問膽決如何何必更須八尺之軀也
以功進爵為公武成初從且慮寧征稽胡進爵汝南郡公
出為摠管延綏丹三州諸軍事延州刺史卒官無子以弱
子椿嗣位開府儀同大將軍右宮伯改封河東郡公
察字法去蒲山公寬之子也才兼文武志氣雄遠少龍象辭

蒲山公者家禮賢無所不為客與楊玄感為刎頸交後更折
節耽學尤好兵書調督在口師事國子助教包愷受史記
漢書禮記徒皆出其下大業初授親衛大都督以疾歸及
玄感有逆謀召密令與弟玄挺赴黎陽以為謀主密進三
計曰今天子遠在遼外公長驅入薊直扼其喉前有高麗
退無歸路不戰而禽此計上也又關中四塞衛文昇不足
為意今率眾務早入西萬全之勢此計中也若隨郡先向
東都以引歲月此計之下也玄感曰公下計乃上東矣今
百官家口並在東都若不取之安能動物且經城不拔何
以示威密計不行玄感既至東都自謂功在朝夕及獲韋



原件短缺

5-6 頁

福嗣既非同謀設籌皆持兩端玄感後使作檄文固辭不肯密揣知其情請斬之玄感不從密退謂所親曰楚公好反而不欲勝吾屬憂為雷矣後玄感將西入福嗣竟亡歸東都時李雄勸玄感速稱尊號玄感以問密密以為不可玄感笑而止及宇文述來護尋軍且至玄感謂密計將安出密曰元弘嗣統強兵於隴右今可揚言其反遣使迎公因此入關可得給衆玄感遂用密謀號令而至陝縣圍弘農不拔西至閩鄉追兵至玄感敗密間行入關與玄感從叔詢相隨匿馮翊詢妻家尋為隣人告被捕與其黨俱送帝所在途與其衆謀逃其徒多金密令出示使者曰吾等

引浦將發密遣壯士蔡建自後斬之遂殺其兄寬及儒信等從者亦有死焉讓部將徐世勣為亂兵所斫中重創密止之僅得免雄信等皆叩頭求哀密竝釋而慰之於是詣讓營遣王伯當邢元真單雄信等告以殺讓意令世勣雄信伯當分統其衆世充夜襲倉城密拒破之斬武賁郎將費青奴世充復營洛北於洛水構浮橋悉衆擊密密拒之不利而退世充因薄其城下密擊之大潰爭橋橋陷溺水者數萬人武賁郎將楊威王辨翟世舉劉長恭梁德重董智通等皆没于陣世充僅而獲免不敢還東都遂走河陽其夜大雪餘衆死亡殆盡密乃修金墉故城居之衆三十

餘萬攻上春門留守韋津出戰被執其黨勸密即尊號密不許及義士圍東都密出軍爭之交綏而退俄而宇文化及弒逆自江都北指黎陽密拒之會越王侗稱尊號遣使授密大尉尚書令東南道大行臺行軍元帥魏國公令先平化及然後入朝輔政化及至黎陽徐世勣守倉城不下密共化及隔水語密數之曰卿本匈奴早棄破野頭耳父與兄弟皆受隋恩豈容躬行殺虐今若速來歸義尚可全後嗣化及默然俯仰良久乃瞋目大言曰共你論相殺事何須作書傳雅語密謂從者曰化及庸懦如此忽欲圖帝王吾當折杖驅之知其糧且盡因偽與之和化及大喜恣其兵食異密饋之會密下有人獲罪亡投之具言密情化及大怒又食盡廼與密戰于童山下自辰達酉密中流矢頓於汲縣化及掠汲郡北趣魏縣以輜重留於東郡遣其刑部尚書王軌守之軌以郡降密以軌為滑州摠管密引兵而西遣記室參軍李儉朝于東都執弒帝人于弘達以獻越王侗侗以儉為司農少卿使召密入朝密至温縣聞世充已殺元文都盧楚等乃歸金墉城世充既擅權乃厚賜將士時密兵少衣世充乏食乃請交易邴元真等各求私利遽勸密密許焉初東都絕糧人歸密者日有數百至此得食降人益少密悔而止密雖據倉無府庫兵數戰不

賞又厚撫初附兵於是衆心漸然時邛元真守洛口倉性
貪鄙宇文溫每謂密曰不殺元真公難未已密不荅而元
真知之謀叛楊慶聞而告密密因疑焉會世充悉衆來戰
密留王伯當守金墉自就偃師北阻芒山以待之世充令
數百騎度御河密遣裴行儼等逆之會日暮行儼孫長樂
程瓌金等驍將十數人皆重創密甚惡之世充夜潛濟詰
朝而陣密方覺之狼狽出戰敗績馳向洛口世充夜圍偃
師守將鄭頊爲其部下翻城而降世充密將入洛口倉城
元真已遣人引世充密陰知之不發其事欲待世充兵半
度洛水然後擊之密候騎不時覺比將出戰世充軍悉已

濟密引騎而遁元真以城降世充密衆漸離將如黎陽人
或曰殺翟讓之際徐世勣幾死其心安可保密乃止時王
伯當棄金墉城保河陽密自武牢濟歸之謂曰又苦諸君
我今日自刎以謝衆衆皆泣莫能仰視密復曰諸君幸不
相棄當共歸關中密身雖愧無功諸君必保富貴其府掾
柳燮曰明公與長安宗族有時昔之遇雖不陪起義然阻
東都斷隋歸路使唐國不戰而得京師此公之功也衆咸
曰然密遂歸朝封邢國公拜光祿卿尋奉使出關安撫至
熊州而逃叛見殺

宇文貴字永貴其先昌黎大棘人也徙居夏州父莫豆干

保定中以貴勲追贈柱國大將軍少傅夏州刺史安平郡公貴母初孕貴夢老人抱一子授之曰賜爾是子俾壽且貴及生形類所夢故以求貴字之貴少從師受學嘗輟書歎曰男兒當提劍汗馬以取公侯何能為博士也魏正光末破六韓拔陵圍夏州刺史源子邕嬰城固守以貴為統軍後從尔朱榮禽葛榮於滏口加別將又從元天穆平邢泉轉都督元顥入洛貴率鄉兵從尔朱榮有功封革融縣侯除郢州刺史入為武衛將軍閔内大都督從魏孝武西遷進爵化政郡公貴善騎射有將帥才周文帝又以宗室甚親委之大統初與獨孤信入洛陽東魏潁州長史賀若

統據潁川來降東魏遣將堯雄趙育是云寶率眾二萬攻潁川貴自洛陽率步騎二千救之軍次陽翟雄等去潁川四十里東魏行臺任祥又率眾四萬將與雄合諸將咸以彼眾我寡不可爭鋒貴曰若賀若一陷吾輩坐此何為遂入潁川雄等稍進貴率千人背城為陣與雄合戰貴馬中流矢乃短兵步鬪雄大敗輕走趙育於是降任祥聞雄敗遂不敢進貴乘勝逼祥敗之是云寶亦降師還魏文帝在天游園以金卮置侯上令公卿射中者即賜之貴一發而中帝笑曰由基之妙正當爾耳進侍中驃騎大將軍開府儀同三司十六年遷中外府左長史進位大將軍宕昌王

梁彌定為宗人獠其所逐來奔又有羌酋傍乞鐵忽因梁
公定反後據有渠株川擁隸數千家與渭州人鄭五醜同
反周文令貴與豆慮寧討之貴等禽斬鐵忽及五醜寧又
別擊獠其破之乃納彌定并於渠株川置岷州朝廷重功
遂於粟坂立碑以紀其績廢帝三年詔貴代尉遲迥鎮蜀
時隆州人開府李光易反於鹽亭攻圍隆州而隆州人李
拓亦聚眾反開府張道應之貴乃命開府叱奴與牧隆州
又令開府成亞擊拓及道降之竝送京師徐益州刺史未
就拜小司徒先是蜀人多劫盜貴乃召任夾傑健者署為
游軍二十四部令其督捕由是頽息周孝閔帝踐阼進位

柱國拜御正中大夫武成初與賀蘭祥討吐谷渾軍還進
封許國公邑萬戶舊爵回封一子遷大司徒行小冢宰歷
大司徒遷太保貴好音樂耽奕棊留連不倦然好施愛士
時人頽以此稱之保定末使突厥迎皇后天和二年遷至
張掖薨贈太傅謚曰穆子善嗣善弘厚有武藝大象末位
上柱國封許國公隋文帝受禪遇之甚厚拜其子穎上儀
同及善弟愷誅竝廢于家善未幾卒穎大業中位司農少
卿後沒李密善弟忻
忻字仲樂幼而敏慧為童兒時與群輩戲輒為部伍進止
行列無不用命者年十二能左右馳射駿捷若飛恒謂所

親曰自古名將唯以韓白衛霍爲美談吾察其行事未足
多尚使與僕並時不令豎子獨擅高名年十八從周齊王
憲討突厥以功拜儀同三司賜爵興固縣公韋孝寬以忻
驍勇請與鎮玉璧以戰功加開府進爵化政郡公從武帝
攻拔晉州齊後主親搃兵六軍憚之欲旋忻諫曰以陛下
之聖武乘敵人之荒縱何往而不克若齊人更得令主君
臣協力未易平也帝從之乃戰遂大克及帝攻隋并州先
勝後敗帝爲戮所窘挺身而遁諸將多勸帝還忻敦然曰
破城士卒輕敵微有不利何足爲懷今破竹形已成柰何
棄之而去帝納其言明日復戰拔晉陽齊平進位大將軍

尋與烏丸軌破陳將吳明徹於呂梁進位柱國除豫州牧
嘗隋文帝龍潛時與忻情好甚協及爲丞相恩顧彌隆尉
遲迥作亂以忻爲行軍總管隋韋孝寬擊之時兵屯河陽
帝令高顛馳驛監軍與顛密謀進取者唯忻而已迥遣子
惇盛共武陟忻擊走之進臨相州迥遣精甲三千伏野馬
岡忻以五伯騎襲之斬獲略盡進至草橋迥又拒守忻以
奇兵破之直趨鄴下迥背城結陣大戰官軍不利時鄴城
士庶觀戰者數萬人忻謂左右曰事急矣吾當以摧道破
之於是射觀者走之轉相騰籍聲如雷霆忻乃傳呼曰賊
敗矣衆復振齊力急擊之迥軍大敗及平鄴以功遷上柱

國文帝謂曰尉遲迥傾山東之衆連百萬之師公舉無遺
筭榮無全陣誠天下英傑也進封英國公自是每參帷幄
出入卧內禪代之際忻有力焉後拜左領軍大將軍寵顧
彌重忻解兵法馭戎齊整當時六軍有一善事雖非忻建
在下輒相謂曰此必英公法也其見推服如此後改封杞
國公上嘗欲令忻擊突厥高頴曰忻有異志不可委以大
兵乃止忻既佐命功臣頴經將領甚有威名上由是微忌
之以譴去官與梁士彥昵狎數相往來士彥時亦然望陰
圖不軌忻謂士彥曰帝王豈有常乎相扶即是公於蒲州
起事我必從征兩陣相當然後連結天下可圖也謀泄伏

誅家口籍沒忻弟愷愷字安樂在周以功臣子年三歲賜

自達愷獨好學博覽書記解文多伎藝為名公子累遷御

正中大夫儀同三司隋文帝為丞相加上開府近師中大

夫及踐阼誅宇文氏愷亦將見殺以與周本別又兄忻有

功故見赦後拜營宗廟副監太子左庶子廟成別封甌山

縣公及遷都上以愷有巧思詔領營新都副監高頴雖摠

大綱凡所規畫皆出於愷及峽渭水達河以通運漕詔愷

摠督其事後拜萊州刺史甚有能名坐兄忻誅除名於家

又不得調會朝廷以魯班故道久絕不行令愷脩之既而

又不得調會朝廷以魯班故道久絕不行令愷脩之既而

上建仁壽宮右僕射楊素言愷有巧思於是檢校將作大
匠歲餘拜仁壽宮監授儀同三司尋為將作少監文獻皇
后崩愷與楊素營山陵上善之復爵安平郡公煬帝即位
遷都洛陽以愷為營東都副監尋遷將作大匠愷揣帝心
在宏侈於是東都制度窮極壯麗帝大悅進位開府拜工
部尚書及長城之役詔愷規度之時帝北巡欲誇戎狄令
愷為大帳其下坐數千人帝大悅賜物千段又造觀風行
殿上容衛者數百人離合為之下施輪軸推移倏忽有若
神功戎狄見之莫不驚駭帝彌悅前後賞賜不可勝紀是
時將復古制明堂議者皆不能決愷博考群籍為明堂圖

奏

樣奏之又以張衡渾象用三分為一度裴秀輿地以一寸
為千里臣之此圖以一分為一尺推而演之又引于時議
者或以綺井為重屋或以圓楯為隆棟將為臆說事不經
見今錄其疑難為之通釋皆出證據以相發明為議曰臣
愷謹按淮南子曰昔者神農之御天下也甘雨以時五穀
蕃植春生夏長秋收冬藏月省時考終歲獻貢以時嘗穀
祀于明堂明堂之制有蓋而無四方風雨不能襲燥濕不
能傷遷延而入之臣愷以為上古朴略刑立典刑尚書帝
命驗曰帝者承天立五府以尊天重象赤曰文祖黃曰神
斗白曰顯紀黑曰玄矩蒼曰靈府注云唐虞之天府夏之

世室殷之重屋周之明堂皆同矣尸子曰有虞氏曰總章
周官考工記曰夏后氏世室堂脩二七博四脩一注云脩
南北之深也夏度以步合堂脩十四步其博益以四分脩
之一則堂博十七步半也臣愷案三王之世夏最為古從
質尚文理應漸就寬大何因夏室乃大殷堂相形為論理
恐不爾記云堂脩二七博四脩一若夏度以步則應脩七
步注云今堂脩十四步乃是增益記文殷周二堂獨無加
字便是義類例不同山東禮本輒加二七之字何得殷無
加二之文周闕坤筵之義研窮其趣或是不然雖校古書
並無二字此乃桑間俗儒信情加減黃圖議云夏后氏益

其堂之大百四十四尺周人明堂以為兩楹間焉宮之言
止論堂之一面據此為準則三代堂基竝方得為上圓之
制諸書所說竝為下方鄭注周官獨為此義非直與古違
異亦乃乖背禮文尋文求理深恐未愜尸子曰殷人陽館
考工記曰殷人重屋堂脩七尋堂崇三尺四阿重屋注云
其脩七尋五丈六尺放周夏則其博九尋七丈二尺又曰
周人明堂度九尺之筵東西九筵南北七筵堂崇一筵五
室凡室二筵禮記明堂位曰天子之廟複廟重檐鄭注云
複廟重屋也注玉藻云天子廟及路寢皆如明堂制禮圖
云於堂室之上起通天之觀觀八十一尺得宮之數其聲

濁君之象也大戴禮曰明堂者古之有凡九室室有四戶
八牖以茅蓋上圓下方外水曰璧雍赤綴戶白綴牖堂高
三尺東西九仞南北七筵其宮方三百步凡人疾六畜疫
五穀災生於天道不順天道不順生於明堂不飾故有天
災則飾明堂周書曰明堂方百一十二尺高四尺階博六
尺三寸室居內方百尺室內方六十尺高八尺博四尺作
洛曰明堂太廟路寢咸有四阿重九重廊孔氏注云重九
累棟重廊累屋禮圖曰秦明堂九室十二階各有所居呂
氏春秋曰有十二堂與月令同並不論尺丈臣禮案十二
階雖不與禮合一月一階非無理思黃圖曰堂方百四十

四尺坤之策也方象地屋圓楣徑二百一十六尺乾之策
也圓象天室九宮法九州太室方六丈法陰之變數十二
堂法十二月三十六元法極陰之變數七十二牖法五行
所得日數八達象八風法八卦通天臺徑九尺法乾以九
覆六高八十一尺法黃鍾九九之數二十八柱象二十八
宿堂高三尺土階三等法三統堂四向五色法四時五行
殿門去殿七十二步法五行所行門堂長四丈取太室三
之二垣高無蔽目之照牖六尺其外倍之殿垣方在水內
法地陰也水四周於外象四海圓法陽也水闊二十四丈
應二十四氣水內徑三丈應觀禮經武帝元封二年立明

堂汶上無室其外略依此制泰山通義今亡不可得而辨也元始四年八月起明堂壁雍長安城南門制度如儀一殿垣四面門八觀水外周堤壤高四方和會築作三旬五年正月六日辛未始郊太祖高皇帝以配天二十二日丁亥宗祀孝文皇帝於明堂以配上帝及先賢百辟卿士有益者於是秩而祭之親扶三老五更袒而割牲跪而進之因班時令宣恩澤諸侯宗室四夷君長匈奴西國侍子悉奉貢助祭禮圖曰建武三十年作明堂堂上圓下方圓法天方法地十二堂法日夜九室法九州八窻象八風八九七十二法一時之王室有二戶二九十八戶法土王十八

日內堂正壇高二尺土階三等胡伯始注漢官云古清廟蓋以茅今蓋以瓦瓦下藉茅以存古制東京賦曰乃營三宮布政頒常復廟重屋八達九房造舟清池惟水泱泱薛綜注云復重廟覆謂屋平覆重棟也續漢書祭祀志曰明帝永平二年祀五帝於明堂五帝坐各處其方黃帝在未皆如南郊之位光武位在青帝之南少退西南各一犢奏樂如南郊臣愷案詩云我將祀文王於明堂也我將我享維羊維牛揚此則備大牢之祭今云一犢恐與古殊自晉以前未有鷓尾其門墻壁水一依本圖晉起居注裴頡議曰尊祖配天其義明著廟宇之制理據未分直可為一殿

以崇嚴祀其餘雜碎一皆除之臣愷案天垂象聖人則之
辟雍之星既有圖狀晉室方構不合天文既闕重樓又無
壁水空堂乖五室之義直殿違九階之文非古欺天一何
過甚後魏於北臺城南造圓牆在壁水外門在水內迴立
不與墻相連其堂上九室三三相重不依古制室間通巷
違舛處多其室皆用塹累極成褊陋後魏樂志曰孝昌二
年立明堂議者或言九室或言五室詔斷從五室後元又
執政復改爲九室遭亂不成宋起居注曰孝武大明五年
立明堂其墻宇規範擬則太廟唯十二間以應暮數依漢
汶上圖儀設五帝位太祖文皇帝對饗鼎俎簠簋一依廟

禮梁武即位之後移宋時太極殿以爲明堂無室十二間
禮疑議云祭用純漆俎瓦樽文於郊質於廟一獻用清
酒平陳之後臣得目觀遂量步數記其尺寸猶見焚燒殘
柱毀破之餘入地一丈儼然如舊柱下以樟木爲跗長丈
餘闊四尺許兩兩相並凡安數重宮城處所乃在郭內雖
湫隘卑陋未合規摹但祖宗之靈得崇嚴祀周齊二代闕
而不脩大饗食之典於焉靡託自古明堂圖唯有一本一是
宗周劉熙院諶劉昌宗等作三圖畧同一是後漢建武二
十年作禮圖有本不詳撰人臣遠尋經傳傍求子史研究
衆說摠撰今圖其樣以木爲之下爲方堂堂有五室上

為圓觀觀有四門帝可其奏會遼東之役事不果
行以度遼之功進位金紫光祿大夫其年卒官帝甚惜
之謚曰康撰東都圖記二十卷明堂圖議一卷釋疑一卷
見行於世長子儒童游騎慰少子温起部承務郎
侯莫陳崇子尚樂代武川人也其先魏之別部居庫斛真
水祖元以良家子鎮武川代因家焉父興毅中將軍羽林
監後以崇著勳追贈柱國大保清河郡公崇少驍勇善馳
射謹愨少言年十五隋賀拔岳與朱榮征葛榮後從岳
入關破赤水蜀又從岳力戰破乃侯醜奴崇與輕騎逐北
至涇州長坑及之賊未成列崇單騎入賊平於馬上生禽

醜奴遂大破之封臨涇縣侯及岳為侯莫陳所害崇與
諸將同謀迎周文帝文帝至軍原州刺史歸猶為悅守史
周文遣崇襲歸直到城下即據城門時李遠兄弟在城內
先知崇來中外鼓譟伏兵悉起遂禽歸斬之以崇行原州
事仍從平悅別封廣武縣伯累遷儀同三司改封彭城郡
公從禽嘗素復弘農破沙苑戰河橋又別討平稽胡累戰
皆有功進位柱國大將軍六官建拜大司空周孝閔踐阼
進封梁國公加大保歷太宗伯大司徒保定三年從武帝
幸原州時帝夜還京師竊怪其故崇謂所親人常昇曰吾
此日聞卜筮者晉公今年不利車駕今忽夜還不過是晉

公死耳於是皆傳之或有發其事者帝集諸公卿於大德殿責崇崇惶懼謝罪其夜護遣使將兵就崇宅逼令自殺葬禮如常儀諡曰躁護誅改諡曰華閔子為嗣位柱國從武帝東伐率眾守太行道并州平檢上柱國仍從平鄴拜大司馬隋文大業初以譴詔流配嶺南弟穎

穎字遵道少有器量風神警發為時輩所推魏大統末以父軍功賜爵廣平侯累遷開府儀同三司周武帝時從滕王道擊龍泉文城叛胡穎與柱國豆盧勣分路而進穎擊軍五百餘里破其三柵先是稽胡叛亂輒略邊人為奴婢至是詔胡有厭匿良人者誅籍沒其妻子有人言為胡村

所隱匿者勣將誅之穎曰將在外君命有所不行諸胡非悉反但相迫脅為亂今慰撫自可不戰而定如即誅之轉相驚恐為難不細未若召其渠師以隱匿者付之今自歸首則群胡可安勣從之諸胡爭降附北土以安遷司武加振威中大夫隋文帝受禪加上開府進爵昇平郡公平陳之役以行軍總管從秦王後出魯山道與行軍總管段文振度江安集歸附并遷瀛州刺史甚有惠政後坐與秦王後交通免官百姓送者莫不流涕因相與立碑頌穎清德後拜刑州刺史仁壽中吏部尚書牛弘持節慰撫山東以穎為第一上優詔褒揚時朝廷以嶺南刺史縣令多貪負

鄧亦勇然叛妙簡清吏於是徵頴入朝上與言及平生以
爲歡笑即日進位大將軍拜桂州總管十七州諸軍事及
至官大崇息信人夷悅服煬帝即位頴兄梁國公芳等事
從邊朝廷恐頴不自安徵還京師後拜恒山太守其年嶺
南閩越多不附帝以頴前往桂州有惠政於南方所信伏
拜南海太守卒官謚曰定子度會最知名

崇兄順少豪俠有志度初事朱榮爲統軍普泰元
年封木縣子後從魏孝武入關順與周文帝同里閨素相友善且
崇先在關中周文見之甚歡進爵彭城郡公及梁公定圍逼
河州以順爲大都督與趙貴討破之即行河州事大

統四年魏文帝東討順與大尉王盟僕射周惠達等留鎮
長安時趙青雀反盟及惠達奉魏太子出次渭北順於渭
橋與賊戰頻破之魏文帝還執順手曰渭橋之戰卿有殊
力便解所服金鏤玉梁帶賜之南岐州氏姜符安壽等率
部落一千家款附特順弟崇又封彭城郡公遂改封順河
間郡公六年加驃騎大將軍開府儀同三司行西夏州事
改封平原郡周孝閔帝踐阼拜少師進位柱國其年薨
崇弟瓊歷位荊州總管上柱國封脩武郡公瓊弟凱以軍
功賜爵下蔡縣男崇以平原原州功賜爵靈武縣侯詔聽
轉授凱孝閔踐阼進位開府儀同三司進爵爲公天和中

為司會中大夫建德二年為聘齊使主

王雄字雄胡布頭太原人也父崙以雄著勲追贈柱國大將軍少傅安康郡公雄儀貌魁梧少有謀略魏末從賀正入關除金紫光祿大夫孝武西遷封臨貞縣伯大統中進爵武威郡公累遷大將軍行同州事恭帝元年賜姓可類氏周孝閔帝踐阼授少傅進位柱國大將軍武成初進封虜國公邑萬戶出為涇州總管保定四年從晉公護東征至甚山與齊將斛律明月戰退走左右皆散矢又盡唯餘一奴一矢在焉雄案稍不及明月者文餘曰惜爾不得殺但生將爾見天子明月反射雄中額抱馬走至營羣賊

侯持節大保同華等二十州諸軍事同州刺史謚曰忠子謙

謙字敷萬性恭謹無他才能以父功封安樂縣伯保定二年父雄封虜國公以武威郡公回封謙安樂伯回封第三弟震雄死朝議以謙父殞行陣特加殊寵授柱國大將軍兼領虜國公建德五年武帝東征謙力戰進位上柱國六年授益州總管十八州諸軍事及宣帝崩隋文帝輔政以深睿為益州總管時謙使司錄賀若昂奉表詣闕請還具陳京師事謙以父子受國恩將圖匡復遂舉兵署置官司總管長史乙弗雲益州刺史達奚善顯謙憑險觀變益州

刺史高阿那肱為謙畫三策曰公親率精銳直指散關蜀人知公有勤王之節必當厚息効命此上策也出兵梁漢以顧望天下此中策也坐守劔南發兵自衛此下策也謙參用其中下之策梁梁齊天至大劔謙先遣兵鎮始州隋文帝即以肅為行軍元帥使發利鳳文秦州成諸州兵討之謙所署國國運案息高阿那肱大將軍乙弗婁楊安任俊侯翕景彦等衆號十萬盡銳攻利州總管楚國公巨盧勣拒戰將四旬甚等諸軍聞肅將至衆遂潰謙所署大將軍符子英攻巴州又為刺史呂珽所破肅乘其弊縱兵深入甚婁密遣使詣肅請為內應以暗襲謙不知甚婁之反已也

竝令守成都謙先無籌略且所任用多非其才及聞肅兵奄至惶懼計無所出乃自率衆逆戰又以其婁之子為左右軍行數十里左右軍皆叛謙奔新都縣令王寶執而斬之傳首京師其婁以成都降隋文帝以其婁首謀令殺之於蜀市餘衆竝散阿那肱尋亦被誅

論曰李弼懷佐時之略逢興運之期締構艱難綢繆顧遇方面宣其庸績帷幄盡其謀猷非唯攀附成名抑亦材謀自取密遭風雲之會奮其鱗翼思封函谷將割鴻溝朞月之間衆數十萬威行萬里聲動四方雖事岳興王運乘天眷而雄名克振何其壯歟然志性輕狡終致偵覆固其宜

也宇文責負將帥之材蘊剛銳之氣遭逢喪亂險阻備嘗
自致高位亦云美矣忻武藝之風名高一代及晚節遇禍
雖鳥盡弓藏然亦器器斯弊夷戮非為不幸愷學藝兼該
思理通瞻規矩之妙參蹤班爾當時制度咸取則焉其起
仁壽宮營建洛邑要求時奉窮侈極麗使文皇失德煬帝
亡身危亂之原抑亦由此至於考覽書傳定明堂圖雖意
過其通有足觀者侯莫陳崇以勇悍之氣逢戰爭之秋輕
騎啓高平之扉迺馬得長坑之後以宏材遠略附鳳攀龍
茂績元勳位居上衮而識慙明哲遂以凶終惜哉王雄身
參佐命謙寵列山河及投袂勤王志匡社稷雖忠君之効

未宣與夫懷祿圖存者異也初魏孝莊帝以尔朱榮有翊
戴之功拜榮柱國大將軍位在丞相上榮敗後此官遂廢
大統三年魏文帝復以周文帝建中興之業始命為之其
後功參佐命望實俱重者亦居此職自大統十六年已前
任者凡有八人周帝位摠百揆都督中外軍事魏廣陵王
欣元氏懿威從容禁闥而已此外六人各督二大將軍分
掌禁旅當爪牙禦侮之寄當時榮盛莫與為比故今之稱
門閥者咸推八柱國家今并十二大將軍錄之於左使持
節太尉柱國大將軍大都督尚書左僕射隴右行臺少師
龍西郡開國公李諱使持節太傅柱國大將軍大宗師大

司徒廣陵王元欣使持節柱國大將軍大都督大宗伯趙
郡開國公李弼使持節柱國大將軍大都督大司馬河內
郡開國公獨孤信使持節柱國大將軍大都督大司寇南
陽郡開國公趙貴使持節柱國大將軍大都督大司空常
山郡開國公于謹使持節柱國大將軍大都督少傅彭城
郡開國公侯莫陳崇與周文帝為八柱國使持節大將軍
大都督少保廣平王元賚使持節大將軍大都督淮安王
元育使持節大將軍大都督齊王元廓使持節大將軍大
都督平原郡開國公侯莫陳順使持節大將軍大都督七
州諸軍事秦州刺史章武郡開國公宇文遵使持節大將

軍大都督雍州諸軍事雍州刺史高陽郡開國公達奚武
使持節大將軍大都督陽平郡開國公李遠使持節大將
軍大都督范陽郡開國公豆盧瑑使持節大將軍大都督
化政郡開國公宇文貴使持節大將軍大都督荊州諸軍
事荊州刺史博陵郡開國公賀蘭祥使持節大將軍大都
督陳留郡開國公楊忠使持節大將軍大都督岐州諸軍
事岐州刺史武威郡開國公王雄是為十二大將軍每大
將軍督一開府凡為二十四員分團統領是二十四軍每
一團儀同一人自相督率不編戶貫都十二大將軍十五
日上則門攔陛戟警晝巡夜十五日下則教旗習戰無他

賦役每兵唯辦弓刀一具月簡閱之甲槩戈弩並資官給
自大統十六年以前十二大將軍外念賢及王思政亦拜
大將軍然賢作牧隴右思政出鎮河南並不在領兵之限
此後功臣位至柱國及大將軍者衆矣不限此秩無所統
御六柱國十二大將軍之後有以位次嗣掌其事者而德
望素在諸公之下並不得預於此例

列傳第四十八

北史六十

